

尚

綱

堂

集

尚綱堂詩集卷十一

陽湖 劉嗣綰 醇甫

戊己集下 已酉

試燈

且學逢場戲何勞秉燭遊  
鬧蛾來北市飛鵲下南樓  
竹葉鞭清興梅花破淺愁  
雷塘烟十里已是夢揚州

禹碑同顧嚮泉先生作

芒苾禹跡開鴻濛  
穹碑拔地摩青空  
七十七字走光怪  
一拏攫生蛟龍  
友人歸裝自岳麓  
贈我搨本臨摹工  
壁間夜夜鬼神出  
元氣不死光熊與  
若帝世涿洞苦櫟楯  
歷遍寰區中  
繼車徑追赤岸水  
積石自鑿龍門桐  
狂瀾先奠

壺口北息壤旋定荆門東仙人朝謁宛委室鬼物夜鎖支  
祁宮清都歸真守玉女濁水燭怪呵金童黃熊三足羽淵  
出白狐九尾翁山從一家骨肉盡奔竄鳥丸獸近誰能容  
江河吐納啓三漏日月沐浴開雙瞳包湖傳符授秘術泗  
上覆黼搜靄蹤雲華夫人玉牒譜元夷使者金泥封傳文  
從此勒岫嶺訪道何必登崆峒遺謨作貢表謙德陳疇拜  
範明卑躬庚辰千年罄帝力癸甲四日輸臣衷錫之元圭  
佐昆命鑄以象鼎消奸雄德威已見格苗宇氣燄猶足逃  
防風平成天地跨益版鎮定山岳凌高崧詞攀皇壇挂星  
斗瑞應符籙飛長虹鋪張合補女蝸石照曜洽並軒皇銅  
鑿空世界闢混沌旋斡造化圍併幪山霧呵護日朝賀觸

突列缺鞭豐隆水簾垂垂下石廩天柱兀兀撐芙蓉噴雲  
泄霧幾今古開衡始見昌黎翁探奇鑿險默致禱神縱欲  
聽天爲聾宋嘉定歲何子一精誠忽與蒼冥通峯頭虔告  
乃獲覲妙手影搗爭推崇歐陽德夫兩好事拮據絲鼎搜  
嗽鐘目前至寶反遺漏集古金石徒盈充俗儒無識好議  
古紛紛真假交相攻近時朱顧亦迂叟坐使缺陷留蒼穹  
古來碑碣易埋沒天枯石爛隨飄蓬嶧山岱頂贖蹟耳荒  
落只似徂徠峯此碑完備竟不朽當有禹力全精忠山魃  
木魅不敢近字字斑剝填青紅文章固可著典則器物亦  
足酬勲庸帝王制作誰敢掩端賴 聖哲開愚蒙我 皇  
宵旰古未有海宇清宴謨時雍防維瓠子靜波浪收攝蒲

類洵烟烽遊河已聞告五老祀嶽更見封三公燕然勒銘  
陋漢績會稽刻石卑秦功 聖謨洋洋億萬載此碑突兀  
將毋同

雨牕遺筆

芳草色如積故園愁更增風光辭禁火雨意入挑燈札懶  
長疎客詩高漸近僧牕前看不厭只有一株藤

亞聖祠五十四韻

今古斯文壯乾坤正氣迺巖巖山並峙浩浩水同流日月  
中天炳農桑薄海稠論功非禹下配食亦顏壽母教三遷  
得師傳五世留風追莘野老望重渭濱叟早命逢時駕終  
虛利濟舟兼金當日餽璞玉幾時投挾瑟人人薦吹竽一

一收築宮爭碣石開館讓徂邱納牖行如此踰垣已甚否  
蘇張真妾婦田趙盡公侯壘斷心何苦墦間術可羞壤鷄  
君子病搏虎衆人尤待振茫茫緒從恢秩秩猷膠庠分學  
校經界畫田疇戰國東西帝與王五百秋功曾卑管晏典  
只數殷周義問昭千古仁聲被九州囹中憐死鹿堂上愛  
生牛失伍誰持戟傳言莫置郵坐防孺子井立戒匹夫溝  
運掌非無策推心孰與籌鴻飛空善奕豹隱漫工謳官去  
胝鼃喜醫來扁鵲愁寒應十日甚病未七年瘳名世期徒  
過夫人命不猶地還思返魯天竟卜居休麟鳳遭時屈熊  
魚衛道優異端俱寂滅俗學况虛浮許子冠交易於陵屨  
自售齧肩原諂媚摩頂亦幽囚放誕齊人語侏離楚客咻

紆兒非禮意援嫂是權謀制挺消秦燬關弓避越仇干城  
同聖域閉戶異遐陬桀豈堯殊性夷非跖共由但勝烏獲  
任終免貉稽憂楊墨紛攻擊中韓儘矯揉有爲常若此寡  
欲竟何修茅塞更端啓薪傳別緒抽宋苗安用助曹粟只  
須求養氣防斤斧知言破盾矛入門宗一孔當路闢三鄒  
步履循初地衣冠正首邱論從韓愈定書借趙岐讎魯柝  
荒城聽秦碑古壁搜東家猶禮器南國此箕裘廟貌常巍  
煥庭除敢踐蹂豁然驚牖戶高矣揣岑樓五鼎生前養千  
鍾死後酬筐承前代實脯束昔年脩博士今無鮒書生尙  
有鰕七篇常在抱牆下愧僂僂

水亭送別

送盡千帆暮風花滅驛亭年光看逝水世事數晨星燕雁  
無南北魚龍有醉醒銷魂橋下柳不信眼青青

薄莫坐雨

簾波學得水縱橫一桁瀟湘畫不成竹院留雲分暝色荷  
塘走雨入秋聲消除金粉尋常却收拾文章破碎名漫說  
烟驪堪供養霸均終古可憐生

夜泊金山下信步至留雲亭

一鶴立烟暝松扉半未關鐘聲風定壑帆影月移山小汲  
分茶味孤吟劃蘚斑魚龍清睡好我欲弄珠還

題秦淮水閣

金迷紙醉寫陽臺周昉屏風面面開還是南朝舊明月玉



簫聲裏過江來

不記

不記離亭柳鶯聲第幾橋如何青海月還照白門潮濕霧  
飛瓊鬢涼雲碧玉簫當年墜鞭處門巷一條條

重登焦山

烟波千頃鎖危磯獨策寒筇上翠微久負故人松桂約空  
尋山鬼薜蘿衣詩僧老去孤雲在酒客歸來舊雨非指點  
焦仙結廬處閑鷗棲鶴自飛飛

重陽日作

木葉莽成堆西風卷地哀四年三下第九日一登臺野曠  
呼鷹起雲低拂雁來文章遼海上斷送幾奇才

鮑若洲自都中歸見示秦端厓先生送別詩因和其

韻卽贈

故園重與話蹉跎南下輕舟快似梭  
風引三山徐福到圖開五岳向平過  
大鵬北去偏垂翼烏鵲南來莫舉羅  
檢點黑貂都敝盡洛陽何處博金多

琴書千里是耶非入洛遊燕要息機  
博士可憐羊獨瘦市人只解馬能肥  
關山夜月刀環冷幕府秋風劒缺稀  
今日參軍倍惆悵蕪城草草送將歸

儒風原不厭清寒絳帳年年苜蓿盤  
何處更求長醉酒此中應得大還丹  
詩題楚館無崔顥圖寫秦川有范寬  
世路崎嶇雲路阻誰將心事慰依韓

歸途行囊漫料量又擬尋詩約季長謂雲堤今雨一雙新  
躑躅故人三兩舊奚囊何妨世俗都呼馬不信仙山會叱羊  
立盡古華門外月清光夜夜爲君償

刪訂舊詩因成四律再疊前韻

長吟短詠慰蹉跎費得天孫錦樣梭身外雲山收拾盡眼  
前風月較量過新詞白紵空酬鮑舊句紅紗莫記羅剪卻  
芭蕉三萬葉清光應放卷中多

養盡春蠶認繭非絲絲要上蕙娘機鶴鳧祇自爭長短環  
燕從誰定瘦肥緣鬢飄蕭新恨在朱絃唱歎古音稀賞心  
只有司空品華頂孤雲一處歸

俗眼羞稱東野寒栽紅暈碧滿春盤誰家翡翠栖蘭葉徧

地燕支上牡丹宮裏細腰原要稱城中高髻總嫌寬世人  
苦愛西崑好可識韓碑會學韓

五字詩城不自量一流多愧目真長新聲漫入徐陵集古  
豔原歸李賀囊身後留皮慚半豹眼前集腋笑千羊性靈  
兩字終須識點鐵淘金願始償

秋夜抒感疊前韻

致砧霜杵景蹉跎涼夜虛拋織女梭佳節放教閑裏度少  
年渾似夢中過天南烏鵲愁箕斗江上鴛鴦怨畢羅欲采  
芙蓉前路遠西風木末暮寒多

今是真應悟昨非寒空鐘磬亦禪機當牕鴨腳蕭蕭瘦入  
鯁鴻頭的的肥一夜新霜蓬鬢短十年舊雨酒人稀無端

張觸天涯恨社燕歸時客未歸

甲夜闌干月影寒銅仙不下漢宮盤  
枰移橘叟家家綠樹換楓人寺寺丹  
結習欲依香國住逃愁惟覺醉鄉寬  
齋頭賸有清吟興石鼎聯成敵孟韓

園開竹素儘商量風日端知世外長  
好句但酬青玉案閒情不賸紫羅囊  
難談牕下爭誇宋鶴舞堂前任笑羊  
擬學征西狂脫幘今宵酒債定誰償

山中夜宿

落葉滿秋壑青林人未眠虛牕下  
星月高枕上風泉硯寫廻文句爐生  
篆字烟夜烏啼不住愁絲七條絃

曉憇山寺

尚絅堂詩集卷十二

陽湖 劉嗣綰 醇甫

碧山後社集

庚戌

吾鄉碧山吟社文采風流數百年未絕里中擬續此  
舉同社星散事不果行聊名余集以俟來者

錄太白詩作

一卷青蓮集高齋日日攜夢飛天姥外愁在夜郎西體偶  
陰鏗近名惟謝朓齊長庚吾與汝爛醉並如泥

湖寺

沿溪三兩轉放櫂入花宮到砌野鷗白開門仙鯉紅雲光  
容小住山色悟真空我欲浮家去前灣問釣篷

花山夜

石骨萬山青  
桃花落翠屏  
空潭沉夜月  
古瀑濕春星  
笙鶴當空響  
鐘魚隔世聽  
忽驚龍女過  
風浪蹋鈴聲

贈鄰叟

一片兩片溪上花  
三尺五尺門前槎  
槎橫借問客何處  
花落不知人在家  
狂來散髮弄烟水  
興到拂袖餐雲霞  
掉頭笑語孔巢父  
今日海天安有涯

題山房

落日闌干眺幾回  
高情卷上水雲堆  
亂鶯啼柳浪聲起  
小鴨破萍山影來  
綠雪翻茶清夢味  
紅霞潑硯浣詩才  
湖邊儘有閑花草  
莫放東風爛漫催

赤壁景大理石屏爲友人賦

畫山須畫氣畫水須畫聲豈知畫筆有神化山水與石相  
縱橫山青水綠入肌理赤壁一磯天半起輕帆縹渺縹空  
烟笑指長江幾千里東坡昔遊不到滇此穴毋乃仇池連  
孤雲對面會縮地漏雨當頭工補天碧牕移來置几席斷  
岸分明不盈尺有客還思二賦亭從君且話三生石

雨後歸自湖上

春雲無定姿山態雨餘活飛觴屬天際卻引帆超忽隔岬  
卷簾多湖波鏡中濶

三懷詩

宛水懷顧景范先生



兩世推遺逸清流此隱居興圖建康後史筆義熙初徐孺  
亭中榻鄒陽獄底書溪毛思一薦烟水意何如先生爲徐  
健庵尙書

聘入史局曾纂方輿紀  
要又曾出鄒溶于獄中

陽溪懷嚴秋水先生

一曲嚴家水高風抵富春青門容肆志 紫禁早抽身汗  
漫隨蒙叟逍遙作散人可應圖畫裏著我伴垂綸

壚塘懷顧梁汾先生

畫省原紅藥詞壇亦紫薇東林披祖籍 北闕卸朝衣一  
卷唐音在孤亭楚頌非先生詩名楚頌亭集未刊  
所刻壚塘詩其晚年作也風流今

歇絕累我重歔歔

獨遊山中比歸已暮

夕陽在空山去路殊了然蒼烟一以合素月來娟娟光景  
良須臾欲往遺世緣無言已成悟夕磬當空圓

雙河竹枝詞

河口夕陽郎未歸河邊小雨妾沾衣郎家妾家兩條水  
鷓鴣一雙相對飛

樵唱晚歸河上翁兩頭借得水邊風妾心不共水流去妾  
自西流郎自東  
妾住襄河灣復灣送郎直到外河邊生來最怪雙河水流  
過門前下獨山

題馬芸隄萬頃蓮花圖

黃山雲海重復重倒影幻出蓬萊峰夢遊昨夜忽飛到三

十六朶青芙蓉天風泠然吹不住忽見故人招手處直從  
太華放船來鐵杖鏗然向空拄引我湯口寺導我雲門岡  
十里五里開丹房容城浮邱久仙去黃精死盡芝田荒二  
十四潭波綠綠一十八洞烟蒼蒼任公釣臺俯而伏風清  
月白遙相望木蓮五丈見者少枝枝金穗抽空香攜歸佛  
殿作寶供坡陀四起慈雲光一步一左折高踞天都旁二  
鴉如鵝雲際翔獅林怪狀何汪洋九松人立九老長蒼髯  
奮戟森開張當風拜石石盡僵石罅欲墮爭悽惶孤根一  
線生中央挿天蓮鐔搖光芒光芒搖搖射南斗便欲朝真  
玉京走奪得仙壇掃花帚十萬紅雲落君手回頭卻見天  
海庵空明世界波濤寬蓮花似掌棄似盤贈我一椀天漿

寒相邀置酒來深殿頃刻朝霞暮霞變夕陽返照軒轅宮  
使我淒涼罷歡宴仙人拍肩喚不回丹扉詖蕩中間開翻  
身招得兩黃鵠笑約故人歸去來歸來一見各驚詫我出  
夢時君入畫竹葉還從壁上尋琪花只恐壺中化森羅衆  
皺堆空烟峰峰朶雲吹上天丹崖翠壑自人世毛髮一綠  
如飛仙嗚呼峨眉山高壓西蜀不見三蘇留尺幅匡廬之  
秀天下奇面目徒受歐曾欺男兒四方志未展蹋破芒屨  
豈辭遠黃山咫尺不可期空向君齋對君卷對君卷酬君  
詞以耳爲目山靈嗔畫中夢中兩不知開函且讀青蓮詩

郵行

新月挂前村山頭燒一痕呼牛都隔岸放鴨自知門近水

吟懷淡連天  
畫景昏不應  
芳草色終古  
怨王孫

中橋歸舟作

竹籬深處似仙家  
賞遍朝霞與暮霞  
一片炊烟紅不了  
漁人歸去飯桃花

春暮感興

朝來紅紫太紛紛  
拋卻年光九十春  
灑落襟懷東郭履  
逍遙身世北山中  
烟花含笑無情客  
風柳渾如中酒人  
誰念遲生狂杜髯  
絲禪榻已成塵

青山莊弔春雨樓故址

草草亾家事可哀  
笙歌聲斷水雲隈  
空樓燕去傷春雨  
別樹烏啼認劫灰  
綠野地荒天亦老  
青山才盡我重來  
汀葭

渚鶴知何處，蹋遍寒烟草。幾堆舊有蒹葭來鶴二莊

重過近園

風光撩亂一開筵，  
振觸歡蹤到夢邊。  
竹石題名行悵望，  
鶯花識面坐留連。  
綠波照客仍三月，  
黃土搏人又十年。  
何似故園春戀我，  
兔葵燕麥儘芊眠。

午興

鶯綠破春晝一聲，  
仙磬來柳藏雲。  
世界花隱霧樓臺，  
水活魚分子風微。  
鶴養胎齋心須奉道，  
但擬學方回。

楊隨安屬題漁樵問對圖

羲文去世遠邵子，  
真人一窩足安樂。  
出與漁樵親子雲，  
向有太元癖日事圖象。  
馳精神近刪章句，  
得妙旨悠然但。

作無懷民鳶魚中間殊了了龍馬前頭非草草宋儒理障  
一千年明月清風入君抱問漁何必君解漁武陵便是神  
仙居問樵何必君識樵爛柯山下閒相招山苗可餐水可  
煮君獨何爲茹荼苦竹上尋鮎會有人蕉中覆鹿仍無主  
終日取魚魚網深終日伐薪薪在林一生戴笠不知揖五  
月披裘空見尋世間萬事由來左樵水漁山無不可此事  
誰能駕馭卿此身祇許周旋我周旋與我年復年日日會  
向圖中眠有風有水月在天願君相對忘言詮

橫林

帆影帶修林漁家住綠陰蛙聲連岸遠蟬意得山深剪水  
須仙骨餐霞亦道心待招黃帽語篷坐發高唸

鹿轡引

銀床曉宿紅雲暖啞啞烏聲啼別館美人行汲出墻來玉  
虎牽絲鹿盧轉鹿盧一轉妾心悲鹿盧再轉妾淚垂妾淚  
已乾妾心死鹿盧之轉無日止

舟行白蕩見荷花

紅香浩如海飛下一蜻蜓花雨客心醉水風鷗夢醒無人  
憶湘浦有笛起烟汀送得江妃去長蛾天半青

澄江寓感示同人

青鏡功名感鬢絲五陵衣馬到羣兒邯鄲學步仍當日傀  
儡登場又一時贈策敢辭前路遠開船只恨好風遲輪袍  
譜出無人賞靜抱琵琶有所思



裙履場中幾少年，傷春傷別總堪憐。  
青袍冷落張三影，紅粉凋零鮑四絃。  
風月拋人行樂地，鶯花老我坐禪天。  
與君傾寫平生恨，消得雲藍百幅箋。

懷王延庚都門

盡日君山下，思君不見君。  
梧烟黃漠漠，蘆月白紛紛。  
一笛離愁破，孤笳朔吹聞。  
燕臺倘相憶，樹樹與停雲。

飲湖樓

一尊移向水亭開，木末看花放棹回。  
酒氣欲飄仙客去，霞光都化美人來。  
湖山儘占天然畫，風月能銷絕世才。  
只恨夜烏無宿處，滿城燈火上樓臺。

秋日遂初亭觀荷

朝霞暮霞滿溪亭青房作鏡葉作屏闌紅一舸入花去花  
香醉煞千蜻蜓田田低覆秋陰冷手弄明珠拋玉井窈地  
簾衣卷碧空楚天襟袖吳雲影羅襟障風羅袖澗西飲歌  
罷嬌無力幾番欲折更徘徊可惜秋江退紅色

雨後水亭晚眺

湖雨飛來盡日涼碧闌干外卽瀟湘水衣曲折分吳帶山  
雪風流學晉裝竹桁人家鳴翡翠荷亭仙舫立鴛鴦桃笙  
七尺清無暑消受冷風夢一場

舟行晚興

最有飄然興秋江一葉還霞邊天似海雲裏樹疑山估客  
裝分舄舟人語帶蠻從他卧遊去畫意落荆關

金臺篇送馬芸題北上

燕昭壯志圖龍媒黃金買築凌霄臺千秋國士本無價郭  
隗樂毅非奇才君乎侷儻世所少天骨如駒出塵表近來  
長句追古人健鶻橫空更奇矯挽弓能使猿臂強扛鼎不  
許龍文僵驪壇盟主縱未暇身手已足雄文場昔年秦淮  
酒同載跌宕才名越流輩弔古方知白社非追歡但有青  
山在高談驚座百不休意氣突出凌王侯珠光沉淵劍埋  
獄天地偪仄生牢愁馬周感遇劉蕡哭我共君身兩刺促  
顧我仍吹吳市簫看君竟擊燕山筑燕山高高風日春足  
底十丈皆紅塵九陌呼鷹射雕手六街走馬游龍身雄文  
小試長楊隊射策終誇漢廷對何事丹鉛鐵硯穿卽看青

紫金魚佩長安卿相多少年富貴過眼如雲烟白璧埋山  
等拋擲青銅鑄水誰留連吾儕好尙殊不惡搔頭弄姿笑  
輕薄努力還期身後名狂歌且盡生前樂朱門酒肉非丈  
夫君去爲我尋屠沽市中大俠復誰在高陽老友真吾徒  
當筵擊碎唾壺口忘卻朝來卽分手與君相約金臺邊醉  
倒中山千日酒

臯橋歸舟

落日寒塘望渺然荒葭折葦儘沿緣青山兩岸葉辭樹白  
雁一聲霜滿船斷夢微茫三島記叢書零落五湖傳伯通  
橋下年年水只與勞人歎逝川

吳雲士屬題問月圖卽送其赴楚

月中仙人似月生長天邊廣寒窟重重月戶風吹開別  
攜一月人間來蒼茫飄墮九萬里收拾清光到軒几欲從  
明月證前身笑着山河畫圖裏君不見李謫仙舉杯曾作  
問月篇古月今月同可憐君不見東坡叟一首新詞一盃  
酒問月當頭幾時有君今散髮浮江湖船頭有月近可呼  
楚天一碧更誰問九疑風雨愁蒼梧煙驪魂魄至今在替  
人寥寥隔千載江流日夜苦未央各有浮名肯相待乾坤  
清氣無盈虧君行一月長道隨瓊樓高處好顏色爲君照  
破離筵悲吾家閣上星辰宿家有問月閣夜夜燈光海搖綠酒  
酣喝月月倒行門外帆飛波漉漉

秋夜感興

亭亭桂館秋冉冉蘭皋暮寒空團衆綠引此幽人步孤懷  
正閑遠清景忽迴互美人隔秋雲英英化爲露獨往成後  
期相思渺前度一逕草蟲吟誰爲表心素

檢鮑若洲遺稿

飄零篋行認蛛絲難忘吟箋共擘時風雨情懷前輩盡江  
湖涕淚幾人知重開北苑圖還在一卧西堂病不支今日  
秋墳聽鬼唱暗鐙愁對鮑家詩

夜坐

鐙影夢還家西牕一剪紗風聲秋在竹雨氣晚當花渴病  
壚邊酒禪枯榻畔茶等閑過七夕空薦綠沈瓜

十間山房歌爲主人曹鏡塘賦

主人愛山蓄山癖主人愛山復愛客主人留客不得閒一  
日山房開幾間此間無山得山號疊石作山山趣到胸中  
落落貯邱壑眼底森森窺窳與君家留有藏書倉安得此  
山青一房竹深都是簡編色花落還聞几硯香吁嗟乎玉  
川先生學詩苦破屋半間竟何補杜陵老子作詩瘦廣屋  
千間幾時就不如君家好買春日日山房逢主人主人主  
人勿輕過每一間房十年卧

遊馮氏園

閒園面城開竹樹莽回互栖情歷衆妙一水入深塢谷暗  
聞亂蛙溪明見雙鷺相約蘆花秋攜舟蕩寒兔

送王藕莊之句曲

單衫小扇劇留連日夕高齋共醉眠風月消磨詩是債雲  
山濩落酒爲年橋頭一別初三月洞口重尋第八天聞說  
裴王舊家世輞川圖裏著神仙

君下榻  
裴宅

秋江

山山紅葉打船牕  
賸得閑門古樹椿  
白鷺前身是漁父  
滿頭霜雪在秋江

醉後放舟焦山乘月而歸因賦長句

火雲燒山山欲焦  
船頭濕翠風蕭蕭  
孝然高卧喚不起  
洞口瞥有仙人招  
孤筇入手凌山椒  
軒然傑閣開松寥  
天光徘徊鶴雀喜  
水氣合沓魚龍驕  
是時江空初上潮  
淡白盡處青爲繚  
蛟宮倒影晃金碧  
海上復見秦時橋  
碧城涼夢



來迢迢屏間枯坐茶烟消老僧欲定定不得波心一月如  
珠跳倚闌何人橫玉簫金支翠旗紛蕩搖我疑混沌死千  
載浮出郭墓青嶼嶢南宮之石不可標東坡之帶安可要  
風流一替水天冷豈惜爲爾飛三蕉酒酣我亦迴蘭橈中  
流恰遇湘妃朝一聲柔櫓過江去鷗花鷺葉秋魂飄

月夜舟泛漆湖

天河下水水上天魚龍倒枕船頭眠船頭搖搖月光起天  
水空明一千里汀腰沙尾俱有情迤邐轉入湖邊行亂蛙  
自翻野渚濶寒蚓獨弔空潭清菰蒲蕭蕭夜深動水鳥相  
呼入同夢一聲雁櫓響咿啞隔岸青山互迎送扣舷高唱  
生古哀雙手弄明珠徘徊雲中喚我謫仙子宮袍不著騎

鯨來葛巾翩翩學人影影醉欲歸人未肯獨攜鉄笛叫秋  
風臯鶴當頭風露冷

答友人訊近况

人與秋同住閒雲任往還送愁歸大海尋夢入名山有客  
鵝酬字無童鶴守關秘書三兩卷此福卽娜嬛

湖上晚眺

湖光千萬頃何處著漁磯紅葉脫山骨白蘋生水衣身閒  
雲小住興逸鳥爭飛挂席遙空去相將送夕暉

秋齋病起

聽殘啼鵝聽啼蟹身與孤雲共草堂枕畔不離今舊雨尊  
前空負小重陽懷人夜夜楓林黑卧病年年豆葉黃十載

何陋室詩集卷二  
一  
郊居面城郭隱侯滅盡舊清狂

酒家

寒雲如片席只覆酒人家路繞橫塘曲門臨獨樹斜水聲  
方吹犬風色欲歸鴉卻憶題詩處楓林舊駐車

尚綱堂詩集卷十二終

尚綱堂詩集卷十三

陽湖 劉嗣綰 醇甫

楚游集上 辛亥

辛亥春就食武昌館於藩署傭書之暇閒涉清遊豈  
正則之楚詞抑莊舄之越吟云爾

上元夜京口守風

信宿金山渡春正破未曾雨沈干戍鼓風落一江燈磯影  
飛危石湖聲走斷冰醉鄉殊兀兀高枕亦膏臙  
短燭五更燒空江坐沈寥信憑吳語寄愁著楚詞招冷雁  
衝殘雪寒鷄應早潮故園春事近誰問伯通橋

雪後望金山

不知天積雪浮玉一峰峰獨挂江邊席如停海上筇岸移  
方辨塔潮定忽聞鐘寫出烟嵐勝翻愁潑墨濃

泊儀徵

更出銅峰去江程落照懸帆檣天際直城郭浪中圓米貴  
墟收市柴荒港斷船幾家村社好簫鼓尙喧傳

縫窮嘆

縫窮復縫窮織織十指誇女工縫衣一尺不得一錢值女  
工雖工窮可惜千鍼萬縷徒辛苦終日縫窮窮莫補縫窮  
縫取故鄉衣願得故鄉人著歸

出觀音門

天遠忽如夢一帆辭秣陵已拚遊汗漫何惜醉曹騰霽雪

他鄉樹春船獨夜燈那堪潮易落烟月挂空罾

車遙遙

荒雞四啼霜掃屋征夫出門車  
颺車行只似轉蓬飛那得  
雙輪生四角遙遙前路多  
嶮嶽千里烟塵一夕心空房  
宛轉別君處雷聲猶是聞  
車音尋君車音不在遠朝朝向  
妾腸中轉

大風過采石不得泊

吳帆葉葉破空飛無數青山  
隔翠微遙指橫江磯一點白  
雲縹緲謫仙衣

蝟磯

鐵鎖千尋壯危磯一片孤不知  
磯下浪恨蜀恨東吳

雪浪湧帆檣推篷一望鄉鄉心潮並落不肯上潯陽

江行竹枝詞

龍王廟口水無涯水上靈旗一路斜過客停船送神畢船頭對對舞神鴉

前網初收後網沉綠楊風起水鱗鱗漁人家住針魚嘴一寸魚兒不上唇

老鴉磯畔老鴉飛山鷓坡前山鷓啼只有女郎祠下路年年不見女郎歸

石尤風急過蕪關郎遇狂風郎不還願得郎船行不去朝朝夜夜磨盤山

荻港人家江上樓門前江水綠於油舟行莫宿港中去恐

有荻花飛上頭

大姑彎彎眉黛齊小姑鬢子綠雲低伊家姊妹一帆送吹  
到大江西更西

泊琵琶亭

青山如畫送行舟占斷孤亭一片鷗今日蘆花如客樣不  
會頭白已漂流

舟中望廬山

朝見廬山背暮見廬山面十年夢作廬山遊三莫三朝此  
留戀山之人兮匡君鶴爲友兮猿群夜來明月化成海滿  
山都是香爐雲雲中五老坐招手幾疊屏風隔南斗看山  
不見此山真免使山靈笑衰醜青松白石無塵心此山面



自開東林陶公忘言遠公偈相邀共作廬山吟廬山吟不  
可輟安得將身飛上九十九峰缺別作一峰常對月

湖口晚泊

湖風低半帆岬綠走涼影沙洲棲返照浦樹結層暝言尋  
渡旁渡似隔嶺外嶺漁歌烟四合聲在釣竿頂隔岬石鐘  
來泠然夢初醒

渚溪晚興

聽水聽風不記程  
謁來悞我是浮名興  
搖五岳期孤往身  
在中流要穩行  
詞賦卽今刪  
少作雲山終古笑  
勞生柁樓  
落日容高唱  
縹緲如聞子晉笙

古意

郎船下湘江水深不測郎是江中水妾是江中石  
聽說風波惡郎宿三江口妾身不如月夜夜隨船走

黃岡道中逢蔣竹西時將之長沙

暮色幾千里蒼蒼江上來獨攜京口笛吹落洞庭梅樹影  
搖吟燭濤聲入酒杯不知衡岳雁何日却飛回

水色

水色寫瀟湘關千九曲長天圍鷗浪白路遶雁沙黃柳葉  
鋪衾冷松花落榭香畫船眠雨處空憶舊橫塘

江夜

楚波千萬點點是離心復此烟中宿春愁爾許深舟行  
殊未已忽動鷓鴣吟日暮過江去蕭蕭斑竹林

舟中雜感

身世飄然不繫舟，大江西望水東流。  
空搔短髮天難問，欲溯長風浪亦愁。  
赤壁烏巒非故土，白雲黃鶴是空樓。  
朝來嘯傲無人識，要着頭銜領醉侯。

江城怕上最高層，過盡風帆一夜燈。  
雁影帶愁迴蘆浦，猿聲隨夢落巴陵。  
天涯笑我跋跋走雲路，看人袞袞登不是。  
五湖歸不得，烟波無分挂魚罾。

斑竹

斑竹兩三枝，行人唱楚詞。  
客愁鸚鵡喚，鄉夢鷓鴣知。  
芳草王孫岫，蒼梧帝子祠。  
迢迢隔烟水，何路寄相思。

食筍作

生小湘妃淚點成一般鄉味不分明江東大有思歸客獨  
憶秋蕓恐未平

呈畢弁山尙書

偶逐衙官拜路塵尙書屐履近星辰江山保障無餘力河  
岳英靈有此身終古風流蘇玉局中朝德望李栖筠 九  
重知遇如公少佇卜金甌到重臣

清風當日戒鳴騶旁午軍書出隴頭籌筆夜經諸葛驛繪  
圖朝上贊皇樓從看邛棘收餘郡更聽伊涼唱遠州分陝  
功高誰比並威名早已冠群侯

中州移鎮聽嵩呼贊治心勞剖虎符赤壤委輸均禹服黃  
河疏濬莫殷都躬陳 聖主王褒頌手寫流民鄭俠圖畢

竟通儒經術在桑麻早見萬家敷

萬丈荆堤息壤通江城遺禍起蛟宮崩濤直似天傾北砥  
柱隨看水障東相宅一書煩太保考工全冊付司空致身  
禹稷非虛願飢渴真如與已同

時相國阿公及少司空德公方辦災賑落句卽公紀

事詩中句

平津閣上日招賢貴從雍容許孽賤白傅有時兼禮佛鄰  
侯無事更求仙金花銀燭銷長夜玉樹瓊枝憶往年一樣  
東山好絲竹謝公何故愛高眠

賤子風塵不自聊十年意氣負雲霄毗隨衡嶽知湘轉船  
到蓬山覺海遙小草未能忘遠志長松誰更惜孤標戟門  
一望天如水容易心旌萬里搖

舟興

清興不知極臥遊天一涯  
春江吳客舫寒雨楚人家  
畫閣年年燕紗牕暮暮鴉  
晴川吟眺處天半有朱霞

一棹江南客飄然興不同  
前裙尋北渚側帽趁東風  
蘭葉仙心在桃花世事空  
碧天無限好誰與奏霜鴻

家純齋觀察招同人修禊借園屬王春波補圖卽用

原韻題卷後

借得閒園爲餞春華筵開向楚江濱  
永和  
水竹延名士天寶  
風光賽麗人萬事不如浮白暇  
一年况值踏青辰是日清明  
相逢好賭紅橋曲側帽偏衫自在身

臥看雲烟便結廬  
閒中經濟定何如  
呼童載鶴還攜艇對

客籠鵝不換書梅子山光宜漢上桃花水色似秦餘此間  
儘着王維畫清簾橫陳看奕初

老子南樓嘯傲時當頭明月起遙思赤烏寺廢碑三尺黃  
鶴江空笛一枝烟柳盈盈都是恨風蘭采采不須辭騷魂  
尙有芳華在可要吳儂續楚詞

蓬山曾說舊仙官同向江邊一倚闌落落乾坤書卷在茫  
茫身世酒杯寬長安似日家原近春水如天坐不難便欲  
從君借圖書天涯傳向故園看

眼鏡

方寸開圓鏡靈犀用不窮鏤冰雙片小琢月半規工秋水  
分明剪春雲燉黠烘中邊供洗刷表裡入磨礪貯作庚丁

穴

道家以目華池水爲庚淵又以瞳子爲丁癸之穴

編成子午宮自然凹凸異都

覺淺深融影現琉璃界紋迴翡翠櫳方諸爭混樣圓嶠絕  
瓊瓏跳脫隨分合連環到始終耳垂形宛宛眉鎖樣弓弓  
柱仄非安雁橋低別架虹窺天應勝管候日那須箇淡薄  
遮雲母模糊向碧翁畧無菱點綴微有桂朦朧草想連天  
未花疑隱霧中當頭慚翳葉對面怯飄蓬只此留泥雪因  
之障日風盈盈看立鷺渺渺送歸鴻自在生虛白相將避  
輒紅遙情千里近異境九疑同入想非非幻關心色色空  
幾時昏塞北終日笑江東暗室能留客明牕不負公人如  
鱗比目子豈羽重瞳透頂圓光小傳神阿堵豐曾誇牛背  
出豈借豹斑通銀液徒勞鎮金匱未許蒙但留青白鑿朗



照在微躬

飲桃花下作

桃花影落天之涯春光醉殺秦人家秦人家住楚江上門  
前一路東風斜風吹花開爛朝日吐秀似欲爭韶華主人  
留客餽客酒洞庭春色將船賒花魂酒魄兩爭艷倒影怡  
漫文牕紗紅衣殷勤把客瓊一口吸盡江邊霞諸天頃刻  
散花雨蒼苔有客空嗟呀武昌城中花萬樹步障幅幅重  
幃遮風前顏色各娟好一半飄泊隨泥沙花開花落本代  
謝氣候豈是天公差譬如梅花託庾嶺南北向背枝交加  
西家女兒生若耶亦有塞上吹胡笳有情無情各天定得  
意失意徒矜誇明朝鴻爪泥上雪今日燕紫簷前花人情

似憐花冷淡花意轉厭人喧譁主人一笑謹謝客閉門不  
納遊春車

春日酬陳叔魯李馴昆仲

尋春渾與草芊眠細馬輕衫絕可憐山館迢迢沉舊雨江  
城漠漠入新烟白鷗汎處多於客黃鶴飛來渺若仙捲起  
湘簾碧無際晴川閣外水如天

漉盡尊前一酒巾題襟雅稱漢江濱采蘭我欲思公子看  
竹君還問主人畫裡好山勞望眼琴邊涼月伴閒身年來  
怕着繁華相烏語花香不當春

索張少安畫

登樓眺盡好烟嵐欲趁青鞵路未諧辦得春山三百幅朝

朝隱几到江南

春暮寓齋

游絲冒天風日影在高樹中庭一杯酒惜此餘春駐客行  
殊未久芳事忽已莫傷心鬢絲綠極目衣塵素飛花亦無  
聊吹落我牕戶願爲百舌鳥苦口留春住沉沉夕陽濶冉  
冉年華度却望楚雲高長空展幽悵

莫春寓感用叔魯韻

駘蕩春光去不辭曲闌立盡費禁持江湖冷落逢佳節詩  
酒清狂憶少時北郭新烟挑薺菜南園舊雨種菱絲誰憐  
瘦損東陽客八詠初成有所思

雨牕雜詩

梨花吹雪柳吹綿江館無情聽雨眠二十九回春九十何  
曾草草似今年

玉鞭遙指路東西陌上家家唱大隄惆悵風前雙燕子紅  
樓又是一年栖

偏衫側帽走天涯嬾向春城問狹邪十日海棠顛過了都  
應閒殺冶遊車

春草連宵不斷生謝家影事記分明昨來風色昏於夢多  
恐池塘綠不成

踏青人去綠蕪低回首風光片片泥何事夕陽紅不了燕  
支山上杜鵑啼

尚綱堂詩集卷十三終

尚綱堂詩集卷十四

陽湖 劉嗣綰 醇甫

楚游集下 辛亥

得雲士皖江札却寄

綠樹晚烟橫 愁心隔水生  
江連廬子國 月滿皖公城  
遠客書初到 空堂夢不成  
浮雲爾何意 只自戀孤征

雨夜示枚庵少安

楚館三更雨 離心迸滴開  
夢無長夜去 愁有隔年來  
世味消紅蠟 風光泥綠醅  
近看昏壁畫 點點上莓苔

綠水湘文簾 青山梵字牕  
那堪聽楚雨 還似在吳江  
素剖魚三尺 書封繭一雙  
春潮今夜滿 何許客愁降

尚有清狂興朝來覓勝遊東裝隨野鶴移枕就江鷗吳質  
原多病張衡最善愁漂流君莫嘆身世本扁舟

題葉桐封舍人借書舫圖卽送其北上

著書何必藏名山讀書何必開元關朝來青眼識君處高  
歌乃出江湖間君非江湖人舊住江湖口衡巫地望踞十  
二雲夢天才吞八九杜于皇顧赤方二子當日稱楚狂幽  
光一闕百餘載屈宋夜哭風騷場騷魂醉魄滿前過我飲  
君齋就君臥明珠一斛酒中唾百怪入腸鬼膽破蠹魚骨  
朽千山堆我初見之驚欲哈問君所讀書胡爲乎來哉君  
言昔日放船曾自十洲三島之中迴脚踏一朵雲跨上金  
銀臺諸天高高飛劫灰稽首乞得娉媼開星宿錯落羲娥

徘徊天香咲，盼靈光。歲華縱目，所到胸無遺。上帝顧我笑，此子真仙才。賜我綠玉編，上有太古一點兩點三山苔。荷巾鶴扇，再拜出年年。持節朝蓬萊，蓬萊不可見。却指長安殿，長安樓閣五雲居。銀燭高燒，侍春宴，薦雄客。至擬相如，待詔人來，誇曼倩仙籍，真開瀛海圖。客槎直附天河，便回頭。芳草迷晴川，揮手欲別心茫然。上君官舫，送君去看君。夜夜壓倒米家虹，月天邊船。

桐封將行少安爲補晴川送別圖復題三絕

君家亭館枕江開，郢雨湘烟擅別才。此去愧無香草贈，詞臣名姓在蘭臺。

落盡梅花坐笛床，江樓有客正思鄉。羨君飽看青山去，一



路題詩出建康

桐封石林後裔  
時校刊建康集

旗亭拂遍壁間塵  
惆悵天涯被酒身  
輪與風流舊張緒  
盡拋金縷送行人

雨後渡江

天風吹海落庭樹  
一月江城雨如注  
朝來江上訪柴門  
不是春時繫船處  
家家門前白鷺飛  
夕陽林杪烟霏微  
水田倒影入圖畫  
望裡挂出山僧衣  
小船沒却篙大船  
浮却柁船頭唱歌  
船尾臥明日拏船  
天上坐

齋中榴花盛開賦石榴詞六章

嬌黃姹紫正憐渠  
又是榴花照眼餘  
昨夜仙人來布葉  
綠天深護好樓居

濃雲匝匝幾重鋪映取闌干一兩株名種不須誇海外石  
家原自有珊瑚

兒童笑插帽簷斜艷絕潘郎賦裡花依約故園重五候一  
枝紅浸碧牕紗

盤中的歷迸鮫綃樺燭燒春最放嬌自別紅紅花下曲更  
無消息到今朝

枝頭結子足清歡笑當孫娘齟齬看就裡相思誰識得比  
他紅豆更心酸

千朵繁花千葉雲平分艷思向東君分明照見瀟湘水妒  
殺江邊幅幅裙

楚江五日

梅風杏雨山城麓一卷離騷掩關讀江頭五日正開尊倒  
插菖蒲飲空綠欲從七澤窮豪興先向三閩溯芳躅高風  
久失唐景傳下里仍沿荆楚俗忍看蕭艾持門戶竟使蘭  
荃守空谷嗚呼人生忠孝良不偶從古升沈豈能卜直將  
氣運關興廢甯假文章定榮辱生前嫉妬任蛾眉死後沈  
埋但魚腹魂依山鬼真宜笑命斷湘纍那須續一醉聊吟  
彭澤詩重來莫學長沙哭

王槐門由都中赴長沙道經鄂城卽以送別

底事乘槎客翻從日下還薄遊投楚澤歸夢隔吳關舊雨  
吟懷減新霜旅鬢斑思君若帆影面面到衡山

相見知何許相思但水雲碧天湘浦客明月洞庭君影與

孤舟共愁從落葉分此行休弔屈珍重篋中文

立秋夜

闌干惱殺莫啼鴉冷坐空庭燭不華  
秋至忽驚身是客夜長聊借夢還家  
雨聲山館欺蕉葉風色郊園老豆花  
愁絕水仙祠下望一江寒綠縹於紗

客舍晤家芸暉兄詩以誌感

峭帆挂斷春空雲西簷雪消初別君  
秋風蕭蕭送歸燕漢上逢君淚如霰  
出門離合會幾時我行失意君安之  
青鞋布襪百不有卷中贏得關山詩  
洛陽飛花晉陽樹客路迢迢不會住  
平生懷抱復誰論却走三閭問天處  
君才儻然殊罕儔君志兀傲將何求  
文章有命苦不達痛哭自向江

濱遊吾家忠毅乃君祖此地當年持繡斧汗青照耀九重淵  
淵血碧沈埋一坏土翳余伯氏官滇南骸骨萬里窮荒探  
彥昇兒子痛偏露青門淪落誰能堪只今兄弟四五輩頭  
角崢嶸十餘載一卷書猶馬服傳全家淚臙牛衣在三椽  
老屋生蓬蒿同時作客如逋逃哀鴻中夜念儔侶亦如倦  
馬求其曹經年消息關山隔要使浮名動南北男兒遇合  
會有期底用風塵坐嗚嗚送君勸君君勿憂興到且上江  
邊樓春江化酒三百斛與君一洗胸中愁

江上聞蟬

蟬聲聽不得一片楚天陰落葉有餘響行雲無住心長吟  
吾已倦高舉爾難任飲露清名在相思託故林

夜坐簡少安並送其北上

閒憑蠟淚記年華  
小坐同挑韻字紗  
五見櫻桃君作客  
一拋紅豆我思家  
浮雲北望星辰遠  
溝水東來道路斜  
後夜江頭抱明月  
可能流影到天涯

悼蘋詞

采蘋陳蒨洲方伯侍兒也官杭州時徐雨珊以采蘋詞百章易之攜歸徐州今春雨珊客楚而采蘋死矣屬余賦悼蘋詞二章

泥樣心腸海樣情  
白蘋消息可憐生  
鼓鼓香草離騷在  
無復毛詩喚小名

西湖花月買胭脂  
費盡蠻牋百首詩  
今日春風圖裡看  
斷腸人是杜紅兒

簡巖少峰

君住吳中東洞庭烟鬟七十二峰青天涯一別人如雨江  
上重逢客是星齊贅襟懷原放誕楚臣詞賦最飄零閒來  
脉脉相看處萬樹垂楊當畫屏

秋江篇寄吳中諸故人

秋江鯉魚吹浪花秋江暮寒生綠紗鬪于女兒小垂手挽  
起元雲堆鬢鴉明粧寶幄開筵促估客纏頭錦千軸白項  
老烏啼向人恰似當年耳邊曲當年醉宿倡家樓就中尤  
數青溪遊溪流九曲一明鏡水晶簾額珊瑚鈎烏衣諸郎  
白翎雀梨園子弟黃幡綽過江人物最風流縱飲高歌雜  
談噱入門下馬氣吐虹座客謂我周盤龍我時座上語不  
發一飲欲盡三千鍾銀河翻空向身倒映我玉缸顏色好

酒星摇摇如勸人直喚麻姑下蓬島燭奴濃笑擎荷盤二  
十四枝吹欲乾紅燈須與滾簷角恰照高樓上絲竹秋空  
四起響蜀絃元猿綠罷飛滿前此時素娥正悄悄欲落不  
落西山巔當頭明月不可撥過眼悲風那堪摘美人可惜  
盡如花一別雲端兩超忽扁舟飄泊橫江渚風月年年浩  
無主夜來愁思落誰家自抱琵琶不知處吳絃續續彈楚  
歌樓頭夜宴秋江多秋江嗚咽秋風波芙蓉醉倒顏微酡  
少年不飲奈老何

雙梧桐館坐雨

梧影畫寒碧坐來芳館深片雲歸夏口一雨入秋心蟋蟀  
此高唱螳螂空古琴不堪雙井上葉葉下商音



八月十五夜無月

睇盡層樓路百盤，碧天人靜夜漫漫。  
江山面目宜留客，風月頭銜勝得官。  
銀漢此時偏黯淡，瓊樓無地總高寒。  
諸公莫信微雲掩，儘有清光上界看。

江樓晚眺

江影際天流，江城檻外浮。  
閒雲都向晚，遠樹欲依秋。  
景物憑騷補，風光入畫收。  
一蓑烟綠處，准備五湖舟。

向人乞柑

洞庭風色一帆開，數過天邊雁幾回。  
我似山陰王內史，霜柑時節寄書來。

月湖

月湖湖上月只是曲如鈎遠思碧千里餘暉寒一樓黃花

空外影

滿口有黃花地

紅蓼畫邊秋欲詠懷人句平添竟夕愁

江上晚歸

一江秋影在蘆花搖過烟村第幾家遠夢如雲生水面愁  
心和月到天涯兩三伴侶成鴻雪十二闌干遶雁沙欲寫  
歸舟無別景只留老樹點棲鴉

雨興

江天樓閣幾重嵐秋影平臨鏡一潭八尺桃笙涼似水女  
郎山下夢江南

笛床禪閣總無聊閒坐湘屏看晚潮一片楚雲留不住隔

江齊唱雨瀟瀟

米家硯山歌爲陳葑洲方伯賦

汴都花石驚邊烽，淒涼艮岳蒼烟中。  
米家所蓄一拳耳，硯山名字題南宮。  
當年寶晉齋四面，開屏風幻作五朶雲。  
朶朶青芙蓉，稻孫樓前浪紋疊。  
海岳庵外濤聲重，置身山頂一登眺。  
縹緲突過壺天工，驚看縹緲透瘦袖。  
底何玲瓏有時拜石丈袍笏，來從容。  
燕囊收拾配十友，捧出却用青猿童。  
是山非山硯非硯，顛墨潑盡烟嵐濃。  
滿船書畫散如雨，只此留貫滄江虹。  
傳觀海內七百載，不曾飛去蓬萊東。  
硯山飲爾一盃水，與爾研朱滴露萬古長。  
無窮

送人之湘潭

江樓寒色上生衣，江上分襟舊雨稀。  
秋雁自回人自往，一

時齊傍碧湘飛

十一月十七日江風大作竟夕不寐作短歌

刀鳴床頭燈欲死敗葉聲乾打牕紙荒鷄四唱聽分明一  
天星斗闌干橫銀河瀉空光欲爛長夜漫漫不成旦風林  
何事助悲號使我披衣起長歎當時結客年少場寶馬自  
買千金裝臂鷹射虎好身手縱獵競出南山岡縱橫意氣  
變蕭索不道男兒竟溝壑行樂還防路鬼嘲埋憂未必山  
靈諾騷魂黑魄不可呼號寒出吻胡爲乎紇千山頭凍死  
雀延秋門上悲啼烏有錢誰贈趙元叔無米耻索陶胡奴  
伯鸞賃舂中散鍛縱有活計非良圖拏雲心事何時補踏  
地還須有千古卧看閣上麒麟畫起作筵前鳴鶴舞驢鳴

狗吠吾不聞爾曹齷齪徒紛紛裸身大叫出門去世間誰  
是常將軍

甘寧廟

門外靈旗卷江聲走怒雷神鴉隨鼓散鬼馬雜鈴來全楚  
猶兵氣三吳此霸才送迎餘社酒過客不勝杯

屈賈祠

終古騷魂哭靈巫夜送神九譎悲覆楚三論憤亡秦唐景  
原詞客鄒枚豈替人庚寅與庚子同命最酸辛

曉渡漢口遇大風作

江雲冥冥四山重一笛飛聲破龍夢北風卷帆吹向南客  
子曉渡驚江潭天吳人立亂吞吐蹴蹋銀濤半空舞下界

誰吹赤壁簫中流自擊漁陽鼓  
男兒性命輕如擲却笑篙  
師爭失色射弩山前白浪重  
挂弓海外紅輪仄  
昨宵驛火  
隣船逃此中羣盜多於毛  
江神失職水族橫不值血  
此龍  
文刀掀篷叫絕天爲高

尚絅堂詩集卷十四終